

Deset pitanja za Sulejmana Tihića

Lider SDA je nedavno zamolio OHR i druge organizacije da odgovore na deset pitanja koja se tiču ustavnosti procesa ponovnog imenovanja sudija i tužilaca.

Bilo bi neumjesno da OHR komentira ustavnost ovog procesa. To je pravo pitanje za nadležne ustavne sudove, te stoga savjetujemo gospodinu Tihiću da svoje zabrinutosti uputi ovim sudovima.

Cilj ovog procesa ponovnog imenovanja, koji je u toku, je da se osigura da pravosuđe BiH ispunjava evropske standarde nezavisnosti i profesionalizma te da se ponovo uspostavi multietnička ravnoteža koja je narušena ratom.

Pitanja, koja je postavio gospodin Tihić, ukazuju na mogući nedostatak razumijevanja kako principa nezavisnog evropskog sudstva tako i samog procesa. Da bi razjasnili da li se radi o tome molimo gospodina Tihića da da odgovore na deset pitanja:

1. Da li je gospodinu Tihiću poznato da Bosna i Hercegovina ne može postati članica Evropske unije bez profesionalnog i nezavisnog sudstva koje je oslobođeno političkog uticaja?
2. Da li je gospodinu Tihiću poznato da time što politizira ovaj proces imenovanja sudija i tužilaca pravi od ovog procesa političko pitanje u medijima?
3. Da li je gospodinu Tihiću poznato da je cjelokupna međunarodna zajednica sve više zabrinuta zbog njegove kampanje po ovom pitanju?
4. Da li je gospodinu Tihiću poznato da nastavljanjem ove kampanje već otežava OHR-u da opravda prenošenje cjelokupnih nadležnosti za ovaj proces na institucije Bosne i Hercegovine, te ugrožava i put ove zemlje u

Evropu?

5. Da li je gospodinu Tihiću poznato da razlog zašto veći broj Bošnjaka nije imenovan u RS-u leži u činjenici da se ne prijavljuju?
6. Da li je gospodinu Tihiću poznato da njegova kampanja vjerovatno obeshrabruje Bošnjake da se prijave i time pogoršava situaciju?
7. Da li je gospodinu Tihiću poznato da svi raniji pokušaji da se riješi pitanje nedovoljne zastupljenosti Bošnjaka u pravosuđu RS-a nakon rata nisu uspjeli da značajno promijene situaciju?
8. Da li je gospodinu Tihiću poznato da trenutni proces pod vodstvom Visokih sudskih i tužilačkih vijeća stoga nudi najbolju priliku da više Bošnjaka bude imenovano kao sudije i tužioci u RS te da je, ako je zaista želio pomoći, trebao raditi zajedno sa svojim koalicionim partnerima, posebno SDS-om, u pružanju svoje pune podrške ovom procesu?
9. Da li je gospodinu Tihiću poznato da bi njegovi zahtjevi za ustavno- proporcionalnom zastupljenošću bili mnogo jači da je on prihvatio ustavne promjene kojima se štiti multietničnost u ovoj zemlji?
10. Da li je gospodinu Tihiću poznato da su 49.5% svih policajaca u BiH Bošnjaci; i da, iako Visoka sudska i tužilačka vijeća nisu još ni na pola procesa, 49% svih do sada imenovanih tužilaca su Bošnjaci; a 49% svih do sada imenovanih sudija su Bošnjaci?